


Biblioteca Nacional Aruba na Playa ta di fiesta

Festival di buki pa mucha ta habri cu un fiesta fantastico



ORANJESTAD -- Pa 21 aña caba, e tan conocido Festival di buki pa mucha, ta habri cu un fiesta tremendo, pa mucha y mayor. Esaki ta tuma luga dilanti biblioteca na Playa, riba caya diabierna awor pa 6or di atardi. 'Buki buki den weg, pianan na careda' ta e lema di e aña

aki y e tema lo ta 'Deporte y weg'. Biblioteca Nacional Aruba ta laga e fiesta di apertura parcialmente den man di, Maria Gorretti school, un scol preparatorio, di cual publico por spera un bunita presentacion, dia prome di november, pa 6'or te cu 8'or di anochi. Muchanan ta topa e autornan y contado nan di cuenta di diferente pais. Nan ta Aruba: Gino Vrolijk, Emerita Emerencia, Robert Reeberg, Diana Marchena, Munye Oduber-Winklaar y Liliana Braamskamp Erasmus. Di Corsou tin ta e conoci, Tio Ali y Ariadne Faries. Di Bonaire: Kathleen Thielman. Di Costa Rica, Carol Britton y di Hulanda: Lydia Rood, Anna Woltz y por ultimo Fred Diks, autor di e bukinan conoci di mucha 'Koen Kampioen'.

Diferente libreria ta pone un coleccion di buki pa mucha na benta bou di tent y lo tin pa cada compra di un buki pa mucha, e Regalo di siman, 'Na caminda pa e fiesta grandi', skirbi door di e conoci autor Arubiano, Gino Vrolijk.

E cantica di e Festival, ta un produccion di sr. Eric Rincones, cual lo wordo toca door di Tipico Macuarima y e lo wordo canta door di tres chikitin, cu ta e nietonan di sr. Rincones. Ademas riba programa lo tin diferente grupo



cu ta deleita publico cu 'Capoeiera', Zumba y bou di e tentnan lo tin hobennan cu a destaca den deporte na Aruba. Biblioteca di Playa lo tin un

programa di actividad na biblioteca pa merdia, diana 4 pa 7 di november. E orario lo ta di 3'or te cu 4'or di atardi. Biblioteca ta warda tur mucha. □